

Newspaper	UTUSAN MALAYSIA
Date	8 OCTOBER 2016

Jangan percaya khabar angin negara akan bankrap - PM

um - 8/10/2016

Oleh MAISARAH SHEIKH RAHIM
pengarang@utusan.com.my

KUALA LUMPUR 7 Okt. - Perdana Menteri, Datuk Seri Najib Tun Razak meminta rakyat tidak mudah mempercayai khabar angin yang mendakwa negara akan bankrap disebabkan kemerosotan ekonomi yang berpunca daripada faktor politik.

Perdana Menteri menegaskan, pada hakikatnya, ekonomi negara tetap berkembang pada kadar lebih empat peratus pada separuh pertama tahun ini dan tidak tersungkur ke tahap negatif seperti yang berlaku pada tahun 1998 apabila negara mengalami krisis kewangan yang dahsyat.

"Baru-baru ini tersebar melalui laman sosial dan aplikasi WhatsApp khabar angin mendakwa

kononnya negara akan bankrap pada bulan September tahun ini. Malangnya ada kelompok menyebarkan fitnah mengatakan kemerosotan ekonomi negara adalah sebab faktor politik semata-mata.

"Walhal, kerajaan inilah yang berjaya mempertahankan pertumbuhan ekonomi negara. Janganlah kita mudah terpedaya dengan fitnah seperti ini," katanya dalam blog beliau, www.najibrazak.com hari ini.

Perdana Menteri menjelaskan, ekonomi negara bahkan ekonomi dunia mempunyai kitaran naik turunnya.

Kata beliau, pada tahun 1998, negara mengalami krisis kewangan apabila pertumbuhan ekonomi berada pada tahap negatif, banyak perniagaan gulung tikar, ringgit jatuh mendadak dan rak-

yat hilang kerja.

Menurut Perdana Menteri, 10 tahun kemudian, dunia kembali diasak krisis ekonomi yang juga telah mengakibatkan ekonomi negara menyusut.

"Sebagai Menteri Kewangan ketika itu, saya telah mengambil langkah proaktif dalam merangka program perangsang ekonomi. Alhamdulillah, pertumbuhan ekonomi melonjak semula pada kadar lebih tujuh peratus pada tahun berikutnya.

"Pada tahun 2015 pula, kita melalui satu lagi cabaran ekonomi di mana hasil pendapatan negara merosot lebih RM30 bilion akibat kejatuhan harga minyak. Hakikatnya, ekonomi negara tetap berkembang pada kadar lebih empat peratus pada separuh pertama tahun ini," katanya.

Waktu Solat		MBSB				
SUBUH	SYURUK	ZUHUR	ASAR	MAGHRIB	ISYAK	
KUALA LUMPUR dan kawasan sewaktu dengannya						
5.42	6.58	1.02	4.15	7.03	8.12	
PULAU PINANG dan kawasan sewaktu dengannya						
5.48	7.04	1.08	4.23	7.08	8.17	
KUANTAN dan kawasan sewaktu dengannya						
5.36	6.52	12.56	4.09	6.56	8.06	
JOHOR BAHRU dan kawasan sewaktu dengannya						
5.33	6.49	12.54	4.05	6.56	8.05	
KUCHING dan kawasan sewaktu dengannya						
5.07	6.23	12.28	3.39	6.29	7.38	